



**SLUŽBENI GLASNIK
NOGOMETNOG/FUDBALSKOG SAVEZA BOSNE I
HERCEGOVINE**

„NOGOMET/FUDBAL BIH“

**PRAVILNIK O
CENTRU ZA EDUKACIJU TRENERA**

Godina XVII Sarajevo, juni/lipanj 2011. godine Vanredni broj

**NOGOMETNI/FUDBALSKI SAVEZ
BOSNE I HERCEGOVINE**

**P R A V I L N I K
CENTRA ZA EDUKACIJU TRENERA**

Sarajevo, Juni/Lipanj 2011. godine

Na osnovu odluke FIFA Komiteta za hitnost od 12.04.2011. godine, i Člana 35. Statuta Nogometnog/Fudbalskog saveza Bosne i Hercegovine, Komitet za normalizaciju NS/FS BiH, na sjednici održanoj 29.06.2011 godine, d o n o s i:

P R A V I L N I K

Centra za edukaciju trenera

I OPĆE ODREDBE

Član 1.

Ovim Pravilnikom se bliže uređuju organizacija i realizacije nastave koja vodi do sticanja trenerskih zvanja, kao i druga pitanja koja se odnose na upis, isprave, organizaciju edukacije trenera, trajanje edukacije, postupak ispitivanja i ocjenjivanja, uvjeta i postupka provođenja diplomskog rada i druga relevantna pitanja od značaja za rad Centra za edukaciju trenera (u daljem tekstu: Centar), NOGOMETNOG/FUDBALSKOG SAVEZA BiH (u daljem tekstu: Savez).

Član 2.

Centar je na osnovu UEFA Konvencije, Pravilnikom o sistematizaciji poslova i radnih zadataka Generalnog sekretarijata Saveza konstituisan kao jedna od organizacionih jedinica Saveza, te kao takav nema svojstvo pravnog lica.

Član 3.

U okviru rada Centra nije dozvoljena diskriminacija ili privilegija, zasnovana na rasi, boji kože, polu, jeziku, religiji ili vjerovanju, političkim ili drugim uvjerenjima, nacionalnom i socijalnom porijeklu.

II DJELATNOST CENTRA

Član 4.

Centar obavlja edukacijski i stručni rad koji obuhvata:

a) Osnovnu djelatnost rada Centra kroz:

- edukaciju osnovnih trenerskih nivoa UEFA B, UEFA A i UEFA PRO;
- edukaciju UEFA elitnih trenera omladinskih kategorija nivoa A;
- edukaciju nacionalnih trenerskih nivoa C;
- edukaciju trenera različitih usmjerenja - trener golmana, kondicijski trener, trener za ženski nogomet, trener futsala i dr.;
- izrada planova i programa edukacije svih smjerova i nivoa;
- edukacija trenera u smislu novih informacija radi produžavanje validnosti licecni;
- edukacija trenera za individualan i dopunski rad po potrebi Saveza;
- izrada planova i programa u cilju kontinuiranog usavršavanja trenera;
- organizacija upisa na odgovarajući nivo edukacije;
- organizacija i realizacija edukacije svih nivoa i smjerova;
- organizacija i realizacija procedura oko ispita na svim nivoima, tokom i izvan redovne nastave kao i diplomskih radova (UEFA PRO);

- izdavanje uvjerenja i završnih dokumenata i promocija trenera
- evidentiranje i arhiviranje dokumenata;
- izdavanje i štampanje neophodne stručne literature.

b) Dodatnu djelatnost rada Centra kroz:

- poslove vezane za izdavanje godišnjih nacionalnih licenci za rad trenerima različitih nivoa takmičenja (u skladu sa Pravilnikom o statusu trenera);
- godišnje licenciranje ostalih stručnih kadrova: delegata, kontrolora, sudija, predstavnika klubova, ljekara, fizioterapeuta i dr. u skladu sa odgovarajućim pravilnicima, odlukama i ukazanoj potrebi;
- druge poslove od značaja za Savez po ukazanoj potrebi i odluci nadležnih lica i organa.

c) Posebnu djelatnost rada Centra kroz suradnju:

- sa drugim organima i stručnim službama NS/FS BiH svih nivoa;
- sa organima i nacionalnim fudbalskim/nogometnim asocijacijama UEFA-e i FIFA-e.

III ORGANIZACIJA CENTRA

Član 5.

Radom Centra, rukovodi direktor Centra, koji za svoj rad odgovara Tehničkom direktoru i Generalnom sekretaru.

U cilju ostvarenja efikasne i racionalne organizacije za obavljanje djelatnosti u okviru Centra obrazuju se slijedeće organizacione jedinice:

1. Organizaciona jedinica za nastavno-edukacijsku djelatnost koju čine:

- predavači
- instruktori i
- demonstratori

Predavači su realizatori osnovnih ideja edukacije teoretskog i praktičnog karaktera, koji imaju akademska zvanja sa završenim doktoratom, magisterijem, visokom i višom stručnom spremom. Predavači također mogu biti direktori trenerskih edukacija iz drugih nacionalnih asocijacija, kao i dugogodišnji istaknuti treneri sa UEFA PRO licencom koji u svom radu imaju međunarodno iskustvo u profesionalnom nogometu.

Instruktori su samostalni realizatori praktičnog dijela nastave za UEFA nivoe edukacije trenera, pod uslovom da posjeduju UEFA diplomu i validnu licencu istog ili višeg nivoa od onog na kojem izvode praktični dio nastave.

Demonstratori su lica koja učestvuju u realizaciji teoretskog i praktičnog dijela nastave u edukaciji trenera na UEFA programima samo uz prisustvo predavača ili instruktora na praktičnom dijelu nastave.

2. Organizaciona jedinica stručno-administrativne djelatnosti koja se bavi poslovima:

- pripremna administracija
- stručna administracija i
- promotivna administracija.

3. Organizaciona jedinica za dijagnostičko-istraživačku djelatnost koja se bavi:

- dijagnostikom kondicijske pripremljenosti igrača, sudija, itd.
- praćenjem situacijske efikasnosti u toku igre i
- poslovima analize utakmice.

4. Organizaciona jedinica za materijalno-tehničku djelatnost:

- oprema za uniformisanost trenera u toku edukacije,
- stručna literatura
- lopte, markeri, pokretni golovi, čunjevi, žabice i drugi rekviziti i pomagala

Centar može obrazovati i druge organizacione jedinice u skladu sa potrebama razvoja i unaprijeđenja svoje djelatnosti.

IV NIVOI I PROGRAMI EDUKACIJE TRENERA

Član 6.

Osnovna tri nivoa edukacije trenera su:

UEFA „B“ nivo

UEFA „A“ nivo

UEFA „Elitni Omladinski A“ nivo

UEFA „PRO“ nivo

UEFA	UEFA Pro Diploma	UEFA Elitna Omladinska A Diploma	UEFA A Diploma	UEFA B Diploma
Broj sati edukacije (minimum)	246	140	140	120
Teorija (u učionici)	40%	40%	40%	40%
Praksa (na terenu)	60%	60%	60%	60%
Radno iskustvo/stažiranje	20%	0	0	0
Ocjene – uspjeh (minimum)	6 sati	4 sata	4 sata	3 sata

Program edukacije trenera za UEFA B Diplomu

UEFA B DIPLOMA	
	Trajanje
Teorijske jedinice	Minimalno 48 sati
1. Nogometno/Fudbalsko znanje <ul style="list-style-type: none"> - Čitanje igre (osnove) - Smjernice za analizu utakmica - Principi igre (dubina, širina itd.) - Osnovne tehnike/taktika/strategije - Faze razvoja igrača 	
2. Liderstvo <ul style="list-style-type: none"> - Uloga trenera (npr. ciljevi) - Principi liderstva - Planiranje (npr. treninzi) - Korištenje resursa (npr. oprema) - Temelji za gradnju tima 	
3. Osnove nogometne/fudbalske fiziologije / medicine <ul style="list-style-type: none"> - Prva pomoć - Osnove ishrane/uzimanja tečnosti - Principi kondicionog treninga (mladi i odrasli) - Fiziologija igrača - Razvoj djece i omladine (fizički i psihički) 	
4. Metode podučavanja <ul style="list-style-type: none"> - Principi podučavanja (npr. povratne informacije) - Organizovanje prakse i igre - Stilovi instrukcija - Šta se smije a šta ne smije u treniranju 	
5. Pravila igre <ul style="list-style-type: none"> - Uloga sudije - 17 pravila igre - Principi fer-play 	
PRAKTIČNE JEDINICE	Minimalno 72 sata
1. Tehničko/Taktičke <ul style="list-style-type: none"> - Organizacija tima (uključujući male igre) - Pozicioni trening (npr. napad) - Principi odbrane gola - Individualne vještine - Grupna taktika (npr. preklapanje) - Bazne strategije 	
2. Nogometna/Fudbalska spremnost <ul style="list-style-type: none"> - Zagrijavanja/Rashlađivanja - Bazni trening izdržljivosti - Bazna brzina/izdržavanje brzine - Fleksibilnost - Snaga 	

- Koordinacija - Oporavak	
3. Praksa podučavanja - Trener u igri (posebno male igre) - Osnovne teme treniranja (npr. prelaženje i finiš) - Tehničko-taktička praksa (npr. 1 na 1) - Vježbe (npr. šutiranje)	
OCJENJIVANJE	Min. 3 sata po kandidatu
1. Praktični zadatak treniranja - Mladi i amaterski nivoi	1 sat
2. Teorija treniranja - Nogometno/Fudbalsko znanje - Vođenje tima - Osnove nogometne/fudbalske fiziologije - Metode podučavanja	1 sat
3. Pravila igre (osnove)	1 sat
4. Sposobnost demonstriranja	
5. Dnevnik trenerskih aktivnosti	

Program edukacije trenera za UEFA A Diplomu

UEFA A DIPLOMA	
	Trajanje
TEORIJSKE JEDINICE	Minimalno 64 sata
1. Nogometno/Fudbalsko znanje - Čitanje igre (grupno i timsko igranje) - Formacije/Sistemi igre - Tehničko/taktičke teme (npr. kontra-napad) - Pas igra - Trening golmana - Vrste analiza (npr. izviđanje, naredni protivnik, vlastiti tim, itd.) - Timske strategije (npr. presing) - Pozicioni zahtjevi (npr. libero) - Razvoj igrača (16+) - Analiza vrhunskog nogometa/fudbala (npr. trendovi) - Istorijat igre (npr. stilovi)	
2. Liderstvo - Vještine prezentiranja (demonstriranje, audio-vizuelna oprema, itd.) - Komunikacija (npr. metodi instrukcija) - Nogometna/Fudbalska psihologija (npr. usvajanje vještina, principi motivacije, itd.) - Planiranje (npr. kampa, sesije, itd.) - Vođenje (npr. proces gradnje tima, razgovori u timu, organizacija osoblja, itd.)	

- Nogometna/Fudbalska filozofija	
3. Osnove nogometne/fudbalske fiziologije/medicine <ul style="list-style-type: none"> - Osnovno zbrinjavanje povreda - Fitnes programi (npr. predsezona) - Aerobik/anaerobik/treniranje mišića - Testiranje performansi - Potrebe za hranom/tečnošću u nogometu/fudbalu - Psihološki zahtjevi igre 	
4. Metode podučavanja <ul style="list-style-type: none"> - Podučavanje igrama (npr. taktičke teme) - Kreativno podučavanje (npr. imaginativna tehnika) - Vođenje u toku igre (male igre i 11 v11) - Rješavanje problema (analiza grešaka) - Sredstva za treniranje (npr. korištenje opreme, brojevi, prostor, itd.) - Dizajniranje trenerskih sesija 	
5. Pravila igre <ul style="list-style-type: none"> - Pravila igre i trener (npr. ofsajd) - Trenerske implikacije (npr. nova Pravila) - Trenerski stavovi (npr. prema sudijama, igračima itd.) 	
PRAKTIČNE JEDINICE	Minimalno 72 sata
1. Tehničko-taktičke <ul style="list-style-type: none"> - Timske strategije i stilovi (npr.kontre) - Trenerske teme (npr. izmjena igre) - Tehničko/taktički trening odbrane gola - Igra kombinacija (npr. 1-2 varijacije) - Organizacija tima (uključujući set igru) - Pojedinačni trening (npr. kretanje napadača u kaznenom prostoru) 	
2. Nogometna/Fudbalska kondicija <ul style="list-style-type: none"> - Zagrijavanja/rashlađivanja - Aerobni trening (npr. izdržljivost) - Anaerobni trening (npr. brzina) - Treniranje mišića (npr. snaga) - Vježbe treniranja - Aktivnosti za oporavak i regeneraciju - Trening vezan za igru 	
3. Praksa treniranja <ul style="list-style-type: none"> - Treniranje u igri (11 v 11) - Trenerske teme (npr. kontra) - Vježbe i rutina (npr. prelaženje) - Taktičke igre (npr. presing) 	
OCJENJIVANJE	Min. 4 sata po kandidatu
1. Zadatak praktičnog treninga	1 sat

(Tehničko-taktički trening i vođenje igre)	
2. Teorija treniranja - Nogometno/Fudbalsko znanje - Liderstvo - Nogometna/Fudbalska fiziologija/medicina - Metode podučavanja	2 sata
3. Pravila igre	1 sat
4. Analiza utakmice	
5. Sposobnost igranja	
6. Dnevnik trenerskih aktivnosti	

Program edukacije trenera za UEFA Elitnu Omladinsku A Diplomu

UEFA ELITNA OMLADINSKA A DIPLOMA	
	Trajanje
TEORIJSKE JEDINICE	Minimalno 56 sati
1. Nogometno Znanje - Čitanje igre (grupna & timska igra) - Igračke formacije / Sistemi igre - Tehničke/Taktičke teme (npr.kontranapad) - Postavljanje igre - Trening golmana (mladi) - Vrste analiza (npr. skauting, naredni protivnik, vlastiti tim, itd.) - Timske strategije (npr. presing) - Zahtjevi određenih pozicija - Individualni trening - Analiza vrhunskog (omladinskog) nogometa (npr.trendovi) - Identifikovanje i regrutovanje talenata	16 sati
2. Liderstvo - Uloga trenera mladih (npr. filozofski aspekti, zaštita djeteta) - Komunikacija s roditeljima, zastupnicima, medijima, igračima - Vještine prezentacije (demonstracija, audio-vizuelna oprema, itd.) - Metodi instrukcija-davanja uputstava - Nogometna filozofija - Inspirisanje mladih talenata - Promovisanje nogometa, razvoj, klubovi, itd. - Trenersko liderstvo na terenu - Njegovanje profesionalizma	7 sati
3. Vođenje - Razvoj koncepta „Koncept kompletnog djeteta“ - Svi aspekti razvoja mladih (npr. psihološki, emotivni, fizički, kulturni)	7 sati

<ul style="list-style-type: none"> - Psihologija razvijanja i učenja - Nogometna psihologija (npr. sticanje vještina, principi motiviranja, itd.) - Planiranje (npr. kampa, sezone, itd.) - Vođenje (npr. proces izgradnje tima, timski razgovori, kadrovska organizacija, itd.) 	
<p>4. Nogometna/fudbalska fiziologija i medicina</p> <ul style="list-style-type: none"> - Rast mladih, uticaj godine i mjeseca rođenja - Planiranje kondicionog treninga vezanog za igru - Prevencija povreda, Osnove zbrinjavanja povreda - Aerobni/Anaerobni/ Mišićni trening - Testiranje performansi - Potrebe za hranom / tekućinom u nogometu - Fiziološki zahtjevi igre 	5 sati
<p>5. Metode podučavanja</p> <ul style="list-style-type: none"> - Podučavanje igri (npr. taktičke teme) - Kreativno podučavanje (npr. imaginarna tehnika) - Treniranje u toku igre (mali nogomet i 11 vs 11) - Rješavanje problema (analiziranje grešaka) - Alati za treniranje (npr. korištenje opreme, brojeva, prostora, itd.) 	11 sati
<p>6. Vođenje i Organizacija</p> <ul style="list-style-type: none"> - Kreiranje odgovarajućih tehničkih programa - Profajling i monitoring - Ocjenjivanje, Vrednovanje i Povratne informacije 	8 sati
<p>7. Pravila igre</p> <ul style="list-style-type: none"> - Pravila igre i Trener (npr. ofsajd) - Trenerske implikacije (npr. nova Pravila) - Trenerski stavovi (npr. prema sudijama, igračima, itd.) 	2 sata
PRAKTIČNE JEDINICE	Minimalno 84 sata
<p>4. Tehničko-taktičke</p> <ul style="list-style-type: none"> - Treniranje s različitim starosnim grupama (8-20 godina) - Podučavanje i treniranje u vezi s igrom i u vezi s mladim igračima - Timske strategije i stilovi - Trenerske teme - Tehničko/taktičko treniranje golmana - Kombinacija igre (npr. 1-2 varijacije) - Organizacija tima (uključujući postavku igre) - Individualno podučavanje (npr. kretanje udarača u kaznenom prostoru) 	40 sati
<p>5. Nogometna/Fudbalska kondicija</p> <ul style="list-style-type: none"> - Zagrijavanja/rashlađivanja - Aerobni trening (npr. izdržljivost) - Anaerobni trening (npr. brzina) 	20 sati

<ul style="list-style-type: none"> - Trening mišića (npr. snaga) - Trening drilovi - Aktivnosti u cilju oporavka i regeneracije - Kondicioni trening vezan za igru 	
6. Vježbe podučavanja <ul style="list-style-type: none"> - Treniranje u igri (11 v 11) - Teme podučavanja (npr. kontra) - Drilovanje i rutina (npr. dodavanje) - Taktičke igre (npr. pressing) 	24 sata
OCJENJIVANJE /ISPITI	Min. 3 sata po kandidatu
1. Praktični trenerski zadatak <ul style="list-style-type: none"> - Tehničko-taktički trening i podučavanje u igri (sa talentovanim igračima, tj. Igračima omladincima uzrasta U-17/U-19) 	90 minuta
2. Teorija treniranja <ul style="list-style-type: none"> - Nogometno/Fudbalsko znanje - Liderstvo (omladinski timovi) - Nogometna/Fudbalska fiziologija/medicina - Metode podučavanja 	90 minuta
3. Analiza utakmice	
4. Posebna studija o razvoju djeteta/igrača	
5. Dnevnik trenerskih aktivnosti	

Program edukacije trenera za UEFA „PRO“ nivo

PRO DIPLOMA	
	Trajanje
TEORIJSKE JEDINICE	Minimalno 96 sati
1. Nogometno/Fudbalsko znanje <ul style="list-style-type: none"> - Čitanje igre (vrhunski nivo) - Metode analize (vrhunski nogomet/fudbal) - Stilovi igre - Izviđanje - Uloge - Tehnički i taktički trendovi 	
2. Liderstvo <ul style="list-style-type: none"> - Stilovi rukovođenja - Timski razgovori - Upravljanje krizom - Kvaliteti liderstva - Planiranje - Motiviranje profesionalnih igrača - Dinamika grupe - Disciplina - Stres - Profili ličnosti - Mentalna priprema 	

<ul style="list-style-type: none"> - Mediji - Odbor - Javno obraćanje - Moderna tehnologija 	
<p>3. Osnove nogometne/fudbalske fiziologije/medicine</p> <ul style="list-style-type: none"> - Način ishrane - Oporavak i regeneracija - Kondicione pripreme za profesionalce - Povrede i rehabilitacija - Testiranje na droge/zabranjene supstance - Testiranje fizičke spremnosti - Okolišni problemi 	
<p>4. Podučavanje</p> <ul style="list-style-type: none"> - Rješavanje problema - Stilovi podučavanja - Priprema za utakmicu - Stručni trening - Organizacija 	
<p>5. Pravila i Trener</p> <ul style="list-style-type: none"> - Saradnja sa kolegama, sudijama, igračima - Promovisanje nogometa - Pravila i Duh igre - Analiza novih prijedloga 	
<p>6. Vođenje posla</p> <ul style="list-style-type: none"> - Struktura Asocijacije i kluba - Administracija - Vođenje evidencija - Ugovori i zakon - Ekonomija - Organizacija ureda 	
PRAKTIČNE JEDINICE	Minimalno 96 sati
<p>1. Tehničko-taktičko</p> <ul style="list-style-type: none"> - Zagrijavanje - Trening ekipe (vježbe, igra, itd.) - Set igra - Tehničko-taktičke teme (npr. kontre, presing) - Stručno treniranje (npr. odbrana gola) 	
<p>2. Nogometni/Fudbalski fitnes</p> <ul style="list-style-type: none"> - Kondicioni trening za profesionalce (npr. brzina) - Testiranje kondicije profesionalaca - Oporavak i regeneracija 	
<p>3. Praksa podučavanja</p> <ul style="list-style-type: none"> - Treninzi - Rješavanje taktičkih problema - Priprema ekipe, uključujući set igru - Trenerov zadatak u toku igre 	
RADNO ISKUSTVO/STAŽIRANJE	Min. 48 sati po kandidatu

OCJENJIVANJE	Min.6 sati po kandidatu
1. Praktični zadatak trenera - Trening, razgovor u timu, trener u toku igre	2 sata
2. Teorija treniranja i vođenja - Nogometno/Fudbalsko znanje - Fiziologija - Liderstvo (i psihologija) - Metode podučavanja	2 sata
3. Analiza utakmice/trening (međunarodni pro standard)	2 sata
4. Diplomski rad Odobrena tema	
5. Ocjena (Iskustvo u treniranju i igri, stav)	
6. Dnevnik trenerovih aktivnosti	

V USLOVI UPISA TRENERA NA UEFA PROGRAME

Član 7.

Prioritet prilikom upisa na bilo koji od navedenih programa imaju treneri iz BiH, a među njima prednost imaju treneri klubova Premijer lige Bosne i Hercegovine.

Uslovi za upis na UEFA „B” nivo:

- Potvrda o najmanje 5 godine bavljenja nogometom/fudbalom bilo kojeg uzrasta i nivoa takmičenja ili 1 godina trenerskog iskustva koja sadrži naziv kandidatove funkcije, zaduženja i aktivnosti i dužinu njegovog mandata/ugovora. Ukoliko je trenirao neki tim, treba naznačiti naziv tima i starosnu kategoriju;
- završeno najmanje srednje obrazovanje u trogodišnjem trajanju sa diplomom;
- ljekarsko uvjerenje (ne starije od 6 mjeseci);
- uvjerenje o nekažnjavanju;
- rodni list;
- uvjerenje o državljanstvu i
- uvjerenje o stalnom prebivalištu u BiH.

Uslovi za upis na UEFA „B+A” nivo:

- Diploma Fakulteta Sporta i tjelesnog odgoja (Fakultet za fizičku kulturu) ili diploma o završenoj Višoj trenerskoj školi (smjer Nogometni/Fudbalski trener);
- ljekarsko uvjerenje (ne starije od 6 mjeseci);
- uvjerenje o nekažnjavanju;
- rodni list;
- uvjerenje o državljanstvu i
- uvjerenje o stalnom prebivalištu u BiH.

Uslovi za upis na UEFA „A” nivo:

- da posjeduje UEFA B diplomu i validnu UEFA B licencu;
- Potvrda o najmanje 1 godini trenerske prakse sa UEFA B licencom koja sadrži naziv kandidatove funkcije, zaduženja i aktivnosti i dužinu njegovog mandata/ ugovora. Ukoliko je trenirao neki tim, treba naznačiti naziv tima i starosnu kategoriju;
- ljekarsko uvjerenje (ne starije od 6 mjeseci);
- uvjerenje o nekažnjavanju;
- rodni list;
- uvjerenje o državljanstvu i
- uvjerenje o stalnom prebivalištu u BiH .

Uslovi za upis na „UEFA Elitni Omladinski A” nivo:

- da posjeduje UEFA B diplomu i validnu UEFA B licencu;
- Potvrda o najmanje 1 godini trenerske prakse sa UEFA B licencom koja sadrži naziv kandidatove funkcije, zaduženja i aktivnosti i dužinu njegovog mandata/ ugovora. Ukoliko je trenirao neki tim, treba naznačiti naziv tima i starosnu kategoriju;
- ljekarsko uvjerenje (ne starije od 6 mjeseci);
- uvjerenje o nekažnjavanju;
- rodni list;
- uvjerenje o državljanstvu i
- uvjerenje o stalnom prebivalištu u BiH.

Uslovi za upis na UEFA PRO nivo:

- Da posjeduje UEFA A diplomu i validnu UEFA A licencu;
- Potvrda o najmanje 1 godini trenerske prakse sa UEFA A licencom koja sadrži naziv kandidatove funkcije, zaduženja i aktivnosti i dužinu njegovog mandata/ ugovora. Ukoliko je trenirao neki tim, treba naznačiti naziv tima i starosnu kategoriju;
- ljekarsko uvjerenje (ne starije od 6 mjeseci);
- uvjerenje o nekažnjavanju;
- rodni list;
- uvjerenje o državljanstvu i
- uvjerenje o stalnom prebivalištu u BiH.

Član 8.

Pored navedenih uslova iz Člana 7. od kandidata se može tražiti da polažu i test sklonosti koji utvrđuje Centar za edukaciju trenera, a koji su prethodno odobreni od Jira Panela. Testu sklonosti pristupaju kandidati koji ispunjavaju uvjete upisa iz Člana 7 , a se sastoji iz tri dijela:

- a) fizički test
- b) Praktični nogometni test (tehnička demonstracija i demonstracija podučavanja-treniranja
- c) Teorijski test

Član 9.

Kandidati su dužni dostaviti obrazac aplikacije za upis koji su sačinjeni od strane stručnog osoblja Centra za edukaciju trenera i potrebnu dokumentaciju za upis na UEFA program.

Član 10.

Na kurs će biti primljeni kandidati koji su na vrijeme podnijeli kompletne aplikacije

Član 11.

Upis polaznika za neki od UEFA nivoa edukacije trenera biće izvršen na osnovu objavljenog konkursa na web stranici Saveza, na početku svake kalendarske godine. Konkurs će biti otvoren do popune broja kandidata. Prekobrojni kandidati ulaze na listu čekanja i imaju prednost u formiranju prve slijedeće grupe za adekvatan nivo.

Član 12.

Polaznici UEFA programa snose troškove školarine i to 30 dana prije početka kursa. Kandidatima koji ne budu primljeni uplaćene upisnine se ne refundiraju. Cijena školarine bit će određena posebnom odlukom nadležnih organa.

VI ORGANIZACIJA NASTAVE

Član 13.

Realizacija nastave će biti koncentrisanog tipa po principu semestara i to:

UEFA „B“ nivo se sastoji od prvog i drugog semestra, organizovanih u periodu od jedne godine sa minimalno 60 sati u jednom semestru.

UEFA „A“ nivo se sastoji od trećeg i četvrtog semestra, organizovanih u periodu od jedne godine sa minimalno 70 sati u jednom semestru.

UEFA „Elitni Omladinski A“ nivo se sastoji od trećeg i četvrtog semestra, organizovanih u periodu od jedne godine sa minimalno 70 sati u jednom semestru.

UEFA „PRO“ nivo se sastoji od petog, šestog, sedmog i osmog semestra, organizovanih u periodu do dvije godine sa minimalno 62 sata u jednom semestru.

VII ISPIT I NAČIN PROVJERE ZNANJA

Član 14.

S obzirom da je realizacija nastave koncipirana kroz interaktivna predavanja, sa aktivnim učešćem polaznika odgovarajućih nivoa, tako će i način ocjenjivanja biti kontinuiranog tipa sa mogućnošću polaganja predviđenih ispita u toku trajanja seminara.

Član 15

Uspjeh polaznika u vođenju treninga, utakmice, aktivnostima praktične nastave i dr. provjerava se tokom realizacije teoretske i praktične nastave.

Član 16.

Provjera znanja i sposobnosti polaznika vrši se praćenjem rezultata rada u svim oblicima nastavnog rada u toku semestra, na kraju semestra/ara i izradom diplomskog rada (UEFA"PRO" nivo).

Član 17.

Polaznik koji je odslušao UEFA semestre dužan je položiti ispite, i to u roku od 1 godine po završetku drugog semestra UEFA B programa, 2 godine po završetku drugog semestra UEFA A programa i 3 godine po završetku četvrtog semestra UEFA Pro programa, od datuma kada je odslušao zadnji semestar. Ukoliko to ne izvrši u navedenom periodu morat će ponovo pohađati završni semestar UEFA programa na kojem se školuje.

Polaznik koji je odslušao prvi semestar UEFA B ili UEFA A programa mora započeti školovanje na drugom semestru UEFA programa u roku od 2 godine od dana kada je odslušao prvi semestar. U protivnom, mora obnoviti upis na prvi semestar istog programa.

Polaznik UEFA Pro programa nakon odslušanog semestra dužan je pohađati naredni semestar u roku od dvije godine od dana kada je odslušao prethodni semestar. Ukoliko to ne učini u navedenom periodu morat će ponovo pohađati posljednji odslušani semestar UEFA Pro programa.

Član 18.

Polaznici koji nisu položili sve predviđene ispite tokom realizacije semestara mogu iste polagati u četiri unaprijed određena zvanična ispitna termina, i to svakog prvog ponedjeljka u mjesecu *martu, junu, septembru i decembru*. Mjesto i vrijeme ispita će se objaviti blagovremeno na web stranici Saveza.

Član 19.

Ispit se obavlja usmeno, pismeno i praktično.

Član 20.

Svi oblici provjere znanja i sposobnosti polaznika su javni. Javnost se obezbjeđuje blagovremenim oglašavanjem vremena i mjesta njegovog održavanja i ne može početi ukoliko pored kandidata i ispitivača nisu prisutna bar još dvije osobe tj. drugi kandidati ili predavači.

Član 21.

Ispite vrši direktor Centra ili komisija koju čini direktor centra i dva člana.

Član 22.

Polaznik može pristupiti ispitu samo ukoliko je prije toga izvršio prethodne obaveze: prisustvo predavanjima, vježbama i drugim nastavnim oblicima koji su predviđeni nastavnim planom i programom.

Član 23.

Znanje i sposobnost polaznika na ispitu ocjenjuje se ocjenama :

Ocjena **pet (5)** znači da polaznik nije zadovoljio na ispitu, a negativna ocjena se ne unosi u indeks polaznika.

Ocjena **šest (6)** je najniža prolazna ocjena.

Ocjena **sedam (7)** znači da je polaznik postigao dobar uspjeh u savlađivanju gradiva iz odgovarajućeg nivoa.

Ocjena **osam (8)** označava vrlodobar uspjeh.

Ocjene **devet (9)** i **deset (10)** znače da je polaznik sa odličnim uspjehom savladao ispitno gradivo iz određenog nivoa.

U indeks i prijavu, odnosno zapisnik komisije unosi se zaključna pozitivna ocjena (brojem i slovima), koju ovjerava direktor Centra, odnosno članovi komisije.

Na osnovu prijave, odnosno zapisnika ocjena se unosi u evidenciju koju vodi administrativna služba.

U slučaju sumnje u ocjenu koja je uvedena u indeks, mjerodavna je ocjena koja je unešena u prijavu, odnosno zapisnik o komisijskoj provjeri znanja.

VIII DIPLOMSKI RAD

Član 24.

Posljednji ispit kod polaznika UEFA „PRO“ nivoa je odbrana Diplomskog rada, nakon obavljenog petnaestodnevnog stažiranja u nekom od profesionalnih klubova učesnika grupne faze (minimalno jedanput) UEFA lige i Lige šampiona u posljednjih pet godina ili u bilo kojem klubu najvišeg nivoa zemalja „lige pet“ (Njemačka, Italija, Engleska, Francuska i Španija).

Član 25.

Polaznici će po svom izboru birati klub u kojem će stažirati uz prethodnu pismenu saglasnost stručno-administrativnog saradnika, koji vodi evidenciju, a klubovi se mogu ponavljati nakon što isteknu četiri godine od kako je u odgovarajućem klubu stažirao posljednji kandidat.

Odstupanje od prethodnog stava moguća su samo u izuzetnim slučajevima, u interesu NS/FS BiH, a uz saglasnost Generlanog direktora, Tehničkog direktora i Direktora centra za edukaciju trenera.

Član 26.

Nakon završenog stažiranja kandidat treba dostaviti potvrdu od kluba u kojem je obavio staž (iz člana 24) i ona će biti sastavni dio diplomskog rada.

Član 27.

Radnu verziju Diplomskog rada kandidat donosi na pregled, a uvezuje i koriči nakon odobrenja direktora Centra.

Član 28.

Kandidat predaje šest finalnih verzija rada i zahtjev za određivanje datuma odbrane stručno-administrativnom saradniku, koji zakazuje datum odbrane i oglašava ga na web stranici Saveza ili u javnim glasilima, najmanje 7 dana prije datuma odbrane.

Član 29.

Odbrana diplomskog rada je javna, u pravilu, u vrijeme održavanja UEFA „PRO” seminara i vrši se pred minimalno tročlanom komisijom.

Član 30.

Ispitna komisija, na javnoj odbrani, provjerava i ocjenjuje znanja kandidata . Odluku o uspjehu kandidata na odbrani diplomskog rada ispitna komisija donosi većinom glasova.

IX POSTUPAK IZDAVANJA DIPLOMA I LICENCI**Član 31.**

Kandidatu koji je položio sve ispite, odnosno koji je uspješno odbranio diplomski rad i udovoljio ostalim obavezama utvrđenih ovim Pravilnikom izdaje se diploma i licenca odgovarajućeg UEFA nivoa čiji sadržaj, karakter, oblik, veličinu i grafičko rješenje propisuje UEFA.

Član 32.

Pored diplome i licence o završenom odgovarajućem UEFA nivou, Centar izdaje i uvjerenje sa ocjenama iz pojedinih predmeta, kao i druge potvrde koje služe u svrhu dokazivanja statusa trenera.

Član 33.

Diplome i licence koje se stiču u Centru potpisuje Predsjednik Saveza, Generalni sekretar i Tehnički direktor/direktor Centra, a uručuju se 30 dana po uspješnom završetku UEFA kursa.

Član 34.

Na zahtjev trenera može se izdati duplikat diplome ili licence pod uslovom da je okončan zakonom propisani postupak kojim je ranije izdata diploma ili licenca proglašena nevažećom.

Zahtjev za izdavanje duplikata podnosi se stručno-administrativnom saradniku. U sadržaju, poslije naziva diplome ili licence, unosi se riječ “Duplikat”.

Član 35.

Centar za edukaciju trenera može opozvati bilo koju UEFA diplomu i licencu izdatu od strane Centra za edukaciju trenera. Tom treneru je zabranjeno najmanje tri godine da aplicira za pohađane kursa za novu trenersku diplomu kako bi ponovo dobio diplomu/licencu.

X SPECIJALNI SEMINARI ZA ADAPTACIJU PRETHODNIH DIPLOMA

Član 36.

Centar organizuje specijalne seminare nivoa UEFA A, za trenere koji su završili ili su u proceduri akademskih zvanja sa doktoratom, magisterijem, visokom stručnom spremom, višom stručnom spremom, diplomom – trener nogometa, diplomom – trener fudbala, drugim specijalističnim trenerskim diplomama u izdanju NS/FS BiH, kao i diplomama iz zemalja koje nisu potpisnice Konvencije.

Član 37.

Specijalni seminar za adaptaciju prethodnih diploma na nivo UEFA A sačinjen je od programskih sadržaja iz UEFA „B“ i UEFA „A“ nivoa (iz člana 6.), sadrži najmanje 150 sati edukacije a ekvivalent je UEFA „A“ nivou. Organizuje se kroz dva seminara u trajanju po deset dana.

Član 38.

Organizacija, realizacija nastave kao i ispitne procedure organizovane su na isti način kako je to navedeno u poglavlju VI i VII ovog Pravilnika.

XI PREKOGRANIČNA EDUKACIJA

Član 39.

Savez prihvata princip slobodnog kretanja trenerske edukacije u drugim asocijacijama članicama UEFA-e, kako bi omogućili nastavak edukacije u nekoj drugoj asocijaciji članici.

Član 40.

Savez će primiti trenere iz druge asocijacije članice UEFA-e koji ispunjavaju uslove iz Člana 7. za upis na neki od UEFA programa, pod uslovom da njihova matična asocijacija izda saglasnost za nastavak edukacije trenera u našem Centru, a na zahtjev NS/FS BiH.

Član 41.

Kandidat pored navedenih uslova iz predhodnog člana mora govoriti i službeni jezik potpisnice konvencije (dovoljan nivo pisanih i oralnih jezičkih vještina), te pružiti dokaz o stalnom boravištu.

XII RANIJI SPORAZUMI O PRIZNAVANJU TREnerskih DIPLOMA

Član 42.

Nakon prijema NS/FS BiH u jedinstven sistem edukacije trenera i potpisa UEFA-ine Konvencije, raniji bilateralni sporazumi između sadašnjih asocijacija članica Konvencije nije više obavezujući (UEFA-ina Konvencija zamjenjuje ranije sporazume).

XIII PRODUŽAVANJE VALIDNOSTI LICENCI

Član 43.

Trenerske diplome o završenom UEFA nivou edukacije su trajnog karaktera i nemaju u sebi datum validnosti. Trenerske UEFA licence se izdaju uz diplomu ali sa ograničenim datumom validnosti na tri godine, s tim da se za datum isteka licence veže datum 31. Decembar.

Član 44.

Prije isteka validnosti UEFA licence, treneri su dužni prijaviti se na seminar za produžavanje validnosti licence stručno-administrativnom saradniku Centra, najmanje mjesec dana od početka seminara.

Član 45.

Seminar za produžavanje validnosti licenci se održava dva puta godišnje (*Januar i Juli*) u trajanju od 15 sati predavanja. Termini i mjesto seminara za produženje licenci se objavljuje na web stranici Saveza.

Član 46

Licenca se produžava na naredne tri godine ukoliko je trener završio kurs daljnje edukaciji u trajanju od 15 sati ili kurs za UEFA trenersku diplomu na narednom višem nivou.

Član 47.

Treneri koji su završili jedan od UEFA programa pri Centru imaju mogućnost da pohađaju seminar za produženje licenci u drugim asocijacijama članicama UEFA-e. Po završetku ovog seminara dužni su dostaviti Certifikat od asocijacije u kojoj stoji da su odslušali odgovarajući seminar za produženje validnosti UEFA licence. Na osnovu tog Certifikata Centar će izvršiti produženje validnosti odgovarajuće UEFA licence na period od tri godine.

XIV PRELAZNE I ZAVRŠNE ODREDBE

Član 48.

Dan Centra je devetnaesti Januar, dan kada je Savez potpisao Konvencijski ugovor za priznavanje edukacije na nivou UEFA B (19.01.2001.godine).

Član 49.

Ovaj Pravilnik stupa na snagu i primjenjuje se osam dana od dana objave u Službenom glasniku NS/FS BiH. Stupanjem na snagu ovog Pravilnika prestaju da važe svi propisi koji su ranije regulisali ovu problematiku, izuzev onih kandidata koji su započeli proceduru edukacije prije stupanja na snagu ovog pravilnika.

Član 50.

Sve što nije regulisano ovim Pravilnikom, bit će riješeno propisima UEFA Trenerske konvencije (izdanje 2010) i odlukama UEFA Jira Panela.

Član 51.

Za autentično tumačenje ovog Pravilnika nadležan je Izvršni odbor NS/FS BiH, uz prethodno mišljenje Komiteta za propise NS/FS BiH.

PREDSJEDNIK NS/FS BiH
Ivan Osim, sr.